

Dispozita të veçanta në lidhje me mallrat ekuivalente

I. MAGAZINIMI DOGANOR, PËRPUNIMI AKTIV DHE PËRPUNIMI PASIV

Mallrat të prodhuara në mënyrë tradicionale dhe mallrat organike

Nuk lejohet të zëvendësohen:

- mallrat organike nga mallra të prodhuar në mënyrë tradicionale; dhe
- mallrat të prodhuara në mënyrë tradicionale nga mallra organike.

II. PËRPUNIMI AKTIV

1) Orizi

Orizi i klasifikuar në kodin NK 1006 nuk do të konsiderohet ekuivalent derisa të kategorizohet në të njëjtin kod NK tetëshifror të Nomenklaturës së Kombinuar. Megjithatë, për orizin me gjatësi jo më shumë se 6,0 mm dhe raport gjatësi/gjerësi të barabartë ose më shumë se 3 dhe për orizin me një gjatësi të barabartë ose më pak se 5,2 mm dhe një raport gjatësi/gjerësi të barabartë ose më shumë se 2, ekuivalenca do të vendoset nga caktimi vetëm i raportit gjatësi/gjerësi. Matja e drithërave do të bëhet në përputhje me legjislacionin specifik në fuqi.

2) Gruri

Mallrat ekuivalente mund të përdoren vetëm ndërmjet grurit të korrur në një vend tjetër dhe të çliruar tashmë në qarkullim të lirë dhe grurit jo shqiptar të të njëjtit kod NK tetëshifror, duke patur të njëjtën cilësi tregtare dhe të njëjtat karakteristike teknike.

Megjithatë:

- Përdorimi i mallrave ekuivalente është i lejueshëm ndërmjet grurit të llojit durum të RSh dhe grurit të llojit durum me origjinë nga një vend tjetër, mjafton që të përdoret për prodhimin e brumërave të klasifikuara në kodet NK 1902 11 00 dhe 1902 19.

3) Sheqeri

Mundësia për përdorimin e mallrave ekuivalente është e lejueshme ndërmjet sheqerit bruto nga kallam-sheqeri jo shqiptar (kodet NK 1701 13 90 dhe/ose 1701 14 90) dhe panxharit të sheqerit (kodi NK 1212 91 80) me kusht që të përfitohen produkte të përpunuara që klasifikohen në kodin NK 1701 99 10 (sheqeri i bardhë).

Sasia ekuivalente e sheqerit bruto nga kallamsheqeri i cilësisë standarde siç është përcaktuar në legjislacionin specifik në fuqi duhet të llogaritet duke shumëzuar sasinë e sheqerit të bardhë me koeficientin 1,0869565.

Sasisa ekuivalente e sheqerit bruto nga kallamsheqeri jo e cilësisë standarde do të llogaritet duke shumëzuar sasinë e sheqerit të bardhë me një koeficient të përfutur duke pjestuar me 100 prodhimin e sheqerit bruto nga kallamsheqeri. Prodhimi i sheqerit bruto nga kallamsheqeri do të llogaritet në përputhje me legjislacionin specifik në fuqi.

4) Kafshët e gjalla dhe mishi

Mallrat ekuivalente nuk mund të përdoren për operacione të përpunimit aktiv mbi kafshët e gjalla ose mishin.

5) Misri

Përdorimi i mallrave ekuivalente ndërmjet misrit shqiptar dhe jo shqiptar është i mundur vetëm në rastet e mëposhtme dhe subjekt i kushteve të mëposhtme:

- a) Në rastin e misrit për ushqimin e kafshëve, përdorimi i mallrave ekuivalente është i mundur me kusht që të ngrihet një sistem kontrolli doganor në mënyrë që të sigurohet se misri jo shqiptar në fakt është përdorur për përpunim e ushqimit të kafshëve.
- b) Në rastin e misrit të përdorur në prodhimin e niseshtesë dhe produkteve të niseshtesë, përdorimi i mallrave ekuivalente është i mundur mes të gjitha varieteteve, me përjashtim të misrit të pasur me amylopectin (misri që ngjan me dyll ose misri 'I dylltë') të cilat janë ekuivalente mes tyre.
- c) Në rastin e misrit të përdorur në prodhimin e produkteve të miellit të misrit, përdorimi i mallrave ekuivalente është i mundur ndërmjet të gjitha varieteteve me përjashtim të misrit të tejdukshëm (misri 'Plata', misri i tipit "Duro", misri 'Flint') të cilët janë ekuivalentë mes tyre.

6) Vaji i ullirit

A. Mundësia për përdorimin e mallrave ekuivalente është e lejueshme vetëm në rastet e mëposhtme dhe nën kushtet e mëposhtme:

a) vaji i ullirit i virgjër

i) Ndërmjet vajit të ullirit ekstra të virgjër shqiptar të klasifikuar në kodin NK 1509 10 90 që i korrespondon pwraktimit për vajin e ullirit ekstra të virgjër në legjislacionin specifik dhe vajit të ullirit ekstra të virgjër jo shqiptar të të njëjtit kod NK, mjafton që nga operacioni i përpunimit të përftohet vaj ulliri ekstra i virgjër në të njëjtin kod NK dhe që përmbush kërkesat e legjislacionit shqiptar specifik;

ii) Ndërmjet vajit të ullirit të virgjër shqiptar të klasifikuar në kodin NK 1509 10 90 që i korrespondon pwraktimit për vajin e ullirit të virgjër në legjislacionin specifik dhe vajit të ullirit të virgjër jo shqiptar të të njëjtit kod NK me kusht që nga procesi i përpunimit të përftohet vaj ulliri i virgjër që klasifikohet në të njëjtin kod NK dhe që përmbush kërkesat e legjislacionit shqiptar specifik;

iii) Ndërmjet vajit të ullirit të virgjër shqiptar të shndritshëm të klasifikuar në kodin NK 1509 10 10 që i korrespondon pwraktimit për vajin e ullirit shqiptar të shndritshëm në legjislacionin specifik dhe vajit të ullirit të virgjër të shndritshëm jo shqiptar të të njëjtit kod NK, me kusht që produkti i përpunuar të jetë:

- vaj ulliri i rafinuar që klasifikohet në kodin NK 1509 90 00 që korrespondon me përshkrimin për vajin e ullirit shqiptar të shndritshëm në legjislacionin specifik të lartpërmendur, ose
- vaj ulliri që klasifikohet në kodin NK 1509 90 00 që korrespondon me përshkrimin për vajin e ullirit shqiptar të shndritshëm në legjislacionin specifik dhe përftohet nga përzierja me vaj ulliri të virgjër shqiptar që klasifikohet në kodin NK 1509 10 90.

b) vaj nga bërsitë e ullirit

Ndërmjet vajit të bërsive të ullirit të parafinuar shqiptar të klasifikuar në kodin NK 1510 00 10 që korrespondon me përshkrimin për vajin nga bërsitë e ullirit në legjislacionin specifik dhe vajit të bërsive të ullirit të parafinuar jo shqiptar të të njëjtit kod NK, me kusht që vaji nga bërsitë e ullirit sipas kodit NK 1510 00 90 dhe që korrespondon me përshkrimin e vajit nga bërsitë e ullirit në legjislacionin specifik në fjalë të përftohet nga përzierja me vajin e ullirit të virgjër shqiptar që klasifikohet në Kodin NK 1509 10 90.

B. Përzierjet sipas Pikës A.1(c), paragrafi i dytë dhe Pikës A.2, me vaj ulliri të virgjër jo shqiptar, të përdorur në mënyrë identitke, janë autorizuar vetëm kur masat për mbikqyrje të procedurës janë organizuar në mënyrë të tillë që të bëhet i mundur identifikimi i raportit të vajit të ullirit të virgjër jo shqiptar në sasinë totale të vajit të përzier të eksportuar.

C. Produktet e përpunuara duhet të vendosen menjëherë në paketim prej 220 litra ose më pak. Duke anashkaluar rastin e kontenerëve prej maksimumi 20 ton për të cilët është rënë dakord, autoritetet doganore mund të lejojnë eksportimin e vajrave në fjalë sipas pikave të mësipërme, me kusht që të ketë kontroll sistematik të cilësisë dhe sasisë së produktit të eksportuar.

D. Ekuivalenca duhet të kontrollohet duke përdorur të dhëna tregtare për të verifikuar sasinë e vajrave të përdorur për përzierjen dhe, për qëllim të verifikimit të cilësisë, duke krahasuar karakteristikat teknike të mostrave të vajit jo shqiptar të marra kur ky produkt hyn nën regjim me karakteristikat teknike të mostrave të vajit shqiptar të përdorur të marrë kur produkti i përpunuar në fjalë është përftuar kundrejt karakteristikave teknike të mostrave të marra në kohën e eksportit aktual të produktit të përpunuar në pikën e daljes. Mostrat do të merren në përputhje me standardet ndërkombëtare EN ISO 5555 (marrja e mostrave) dhe EN ISO 661 (dërgimi i mostrave në laboratorë dhe përgatitja e mostrave për teste). Analiza do të kryhet duke iu referuar parametrave të përcaktuara në legjislacionin specifik.

7) Qumështi dhe produktet e qumështit

Mundësia për përdorimin e ekuivalencës është e lejuar nën kushtet e mëposhtme:

Pesha e çdo përbërësi të lëndës së thatë në qumësht, yndyra e qumështit dhe proteina e qumështit të mallrave të importit nuk do të kalojë peshën e secilit përbërës në mallrat ekuivalente.

Megjithatë, kur vlera ekonomike e mallrave për t'u vendosur nën regjimin e përpunimit aktiv është përcaktuar nga një ose dy nga përbërësit e mësipërm, pesha mund të llogaritet në bazë të këtij përbërësi ose këtyre përbërësve. Autorizimi do të specifikojë detajet, qartësisht periudhën e referencës për të cilën është llogaritur pesha totale. Periudha e referencës nuk do të kalojë 4 muaj.

Pesha e përbërësit (përbërësve) të mallrave për t'u vendosur nën regjimin e përpunimit aktiv dhe mallrat ekuivalente tregohen në deklaratat doganore përkatëse dhe INF, për t'iu mundësuar autoriteteve doganore kontrollin e ekuivalencës në bazë të këtyre elementeve.

III. PËRPUNIMI I PASIV

Përdorimi i mallrave ekuivalentë nuk lejohet për mallrat të cilat mbulohen nga Aneksi 71-02.